





# Chamna Awo

(A Monthly Organ of the Evangelical Synod Church)

Vol. XXXVI

No. 01

April, 2020



2020  
KUM  
THUPI:

“NA INSUNG HIHTUP IN”  
ISAIAH 38:1

Editor: Rev. T. Kamgin Gangte



Published by Rev. T. Kamgin on behalf of the Evangelical Synod Church  
Printed at: THAMNSAUV PRINTING WORKS, CENTRAL LAMKA.

PIN							

**Chamna Awo**  
(Evangelical Monthly)  
Regd. No. 64436/96  
E-mail: e7s7c7@gmail.com  
www.synod church.com

Alak man ..... apat ..... ₹ .....  
If undelivered piliz return to:  
ESC SECRETARIAT,  
Chengkawmpang, Churachandpur,  
Manipur - 795158

**DECLARATION**  
(Form IV (See Rule 8))

Statement about ownership and other particulars of the Magazine, "CHAMNA AW"

1. Place of Publication : Thawnsaau Printing Works, Central Lamka Churachandpur - 795128, Manipur
2. Periodicity of Publication : Monthly
3. Printers Name : Rev. T. Kamgin Gangte
4. Editor's Name & Address : Rev. T. Kamgin Gangte Executive Director, ESC
5. Nationality : Indian
6. Address : ESC Secretariat, Chiengkawnpang- 795158, Churachandpur, Manipur.

Name and Address of individual who own the Magazine and Printers or share holders holding more than one percent of the local capital

The Evangelical Synod Church  
Chiengkawnpang - 795158

Rev. T. Kamgin Gangte hereby declared the particulars given above are true to the best of my knowledge and belief.

Sd/-

Dated: Chiengkawnpang  
The 1st April, 2020

Rev. T. Kamgin Gangte  
Signature of Publisher

**Vol. XXXVI No. 01**  
**April, 2020**

**Editorial Board**

**Chairman:**

Upa Dr. L.S. Gangte, M.A. M.Phil.

**Editor:**

Rev. T. Kamgin Gangte, M.Th.

**Asst. Editor-cum-Circulation Manager**

Rev. Khaitinthang

**Bible Study:**

Pr. Khailalsiem M.Th.

Evan. Paukhomang B.D.

**Contributing Editor:**

Upa Paozalun BA

Rev. Khaigin BD

Rev. L.Sata B.Th.

Rev. Thangkhoziem M.Div.

Rev. T. Kampu M.Th.

Rev. Henkholien MBS

Miss Chinbawi MRE

**Editor ana hite**

1. Upa Lalkhugin 1986
2. Rev. Khaigin Gangte 1987-2005
3. Rev. Lamkhawsat 2006-2013
4. Rev. Thangkhoziem 2014-2017

contents

- Editorial.....01
- Isu thihna, thisan leh a thawhkitna zieka .... hamphatna.....03
- Isu thawhkitna thuchah .....05
- Cross a Isu veilam a thipa testimony .....08
- Chiehkan kut belamno..... 11
- Baptisma chan thu.....13
- Baptisma bang tihna a? .....15
- Nang hun suohchakna ding Bible thudik ..16
- Pathien zawlnei nahum apat zil ding .....21
- Isu Krista felna ah kithuom hitiu .....26
- Kipahtu genna .....29

- Kumkhat lakman Rs. 200/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuoh cheng hi ESC Ngaihdan ahi vek khel puoi. Article zikte'n a mawh a kipuok chiet ui.

**CHAMNA AW PHUNGVUKNA DING**

1. Chief Patron - ₹ 5000.00
2. Patron Member - ₹ 4000.00
3. Diamond Member - ₹ 3000.00
4. Gold Member - ₹ 2000.00
5. Silver Member - ₹ 1000.00

PRINTED AT  
THAWNSAAU PRINTING WORKS  
CENTRAL LAMKA

22. Hav. H.L. Gangte	Shillong	2013
23. Ms. Grace Lalbiak	Guwahati	2013
24. Pu L. Neihsiel	Shillong	2013
25. Pu Lamtinlien	Shillong	2013
26. Pu S. Thienlaljoy,	SDO H.Q. Veng	2013
27. Pu L. Sawia	Gangte Veng	2013
28. (L) Lt. Col. L. Gangte	Chiengkawnpang	2013
29. (L) Upa K. Manga Gangte	Shillong	2013
30. Rev.Dr. Th. Lamboi Vaiphei	Hill Town	2015
31. Pu K. Pauboi Gangte	Chiengkawnpang	2015
32. Siemlaljoy	Lamphei	2016

**DIAMOND MEMBER:**

1. Upa Lamkhodem	Chiengkawnpang	2015
2. Mrs Felli	Chiengkawnpang	2015
3. Moizokim (Chloe)	Lamphei	2015
4. Pu Lama B. Gangte	Langol	2016

**GOLD MEMBER:**

1. Pi Niengneihchoi	New Delhi	2014
2. Agape Children Eng. Jr.H/S.	Ithing, Thanga	2016
3. Upa Th. Mangngul	Bunglon	2016
4. Pi Chawimawi	Lamphei	2017
5. Pastor Goulienmang & Family	Tripura	2018
6. Muntha ESC	Muntha	2018

**SILVER MEMBER:**

1. Pi Sailothangi Thangzom	Old Lambulane, Imphal	2014
2. Antioch High School Abicharan	Tripura	2014
3. Upa Thanglal	Bijang	2015
4. Upa Laltinthang	Gangpimuol	2015
5. Lamneihhat	D. Phailien	2018
6. Pu Sonpee S. Thangzom	Lamphei, Imphal	2018
7. Pu P.L. Manga	Lailak, Mizoram	2018
8. Pu T. Gina Neihsiel	Nalawn	2020

*Editorial* 🖊️

Khawvel dinmun ngaihtuoh loh theih loh ahihna tuchung thil suok ah muh leh hêt ahi. I Bible ah, Lalpa'n ka hungkitna ding anaih tak leh thil makmak hungtung in tin, kido thuthang te zâk hi'n tin, hi-le-gaute um in tin, tih ahih dungzui in tuchung natna hi huoisie tak mai, khawvel pumpi zêlsuok hiel zieng Corona Virus December 2019 (COVID 19) apat hin het theih ahi.



Tawbang thil ahung tun hi bang zieka, tih hi mite bildawh pen ahih le ginchâk a um a, aziek ding ngaihdan chuom chuom ana nei u henla gen leule, ei gingtute a dinga chuh Pathien guon ahi I tilo theilo ahi.

Pathien in khawvel hih mite bil thawng thei ding thil zat chuom chuom, phatkhat phatkhat leh ana tunsak zêl zêl sek mawng ahi. Mosi hun lai in Gûl gunei chikhat ana lênsak a mi tamtak te'n ahin nau ana chôn lawh ui. Ahi'nla, a langkhat ah adamna ding uh angaihtuoh sak zêl tho hi. A damna ding uh a asiem gingcha te'n adampih zêl mai ui. Zie guol mah chun, Noah hun lai in le Tui amanga, "na damna ding un Lawng kituk un," a tikit zêla agingcha a Lawng kituk te a suokcha zêl mai ui.

Tuchunga natnahi lêng COVID 19 vak ngaihtuoh hitiu. Bang zieka Pathien in zie natna hih ahun lênsak ahi die aw? Ken ka he'i tithei ding chu ki um pu'na. Ahi'n gingtu te a ding in lunggêl ding tamtak ei neihsak hi. Zie natna a kipata suohchâk tei tei ding tihna hizieng zaw lo in, thagau lam dinmun a I ki et chien na ding hun lemchâng a I neih ding uh deihna ziek in zie topic khelkhel hih hun kitêl ahi. Chun, zie natna hin a sukhhak loh na dinga kivênna um thei sun chuh, "Thienthona" ahi tih Doctor te genna apat a hêt ahi. Doctor te'n anatna nei, a etkawl dan ua pat in amuh theih hi. Zie "Thienthona" hih ahi gingtute'n le i mamawh mah mah uh. Covid 19 apata damna ding in taksa thienthona amamawh a, thagau damna ding in thagau lama

thientho i mamawh ui. Zie thientho na chuh khawia muh ding ahi? Bible a um ahi.

Mosi hunlaia Gûl chukte'n Dakgûl khaihkâng et a dam ding ahi, tih gingchate'n a en uh a a dam ua, Noah hun a Lawng tuka damna um ding ahi ti a, Lawngtute'n damna/suohchakna a muh guol un, tulai natna leng apata damna dinga mithiemte gen ginchaka ataka zuih chuh ahi. Tuni hin taksa damna chauh ngaihtuoh puoi ting un, apawimawh mahmah thagau damna ding hin Bible hih ginchaka a sunga umte hi ataka supitinga thagau damna le chang ding in Pathien min in I kichiel uh ahi.

## CHAMNA AW PATRON MEMBER LIST

### CHIEF PATRONS:

1. Pu S. Paukholal	Chief of Bunglon	1994
2. Ebenezer Chapel	D. Phailien	2014
3. ESC Shillong	Shillong	2014
4. Mr. S.K. Juiliana	Lamphel	2014
5. Nk Sawmte K. Gangte	Fujairah,UAE	2015
6. Nk Esther Tinglamkim	Gangte Veng	2015
7. Pu Thangzago (K.Vawmcha)	Chiengkawnpang	2015
8. Langol ESC	Langol	2016
9. Mrs Hoisi W/o Laldawng K.Gangte	Jiribam	2016
10. Upa Letkam	Bunglon	2016
11. Pu (L) Kamgo K.Gangte	Phuolsanbung	2016
12. Shillong Local Missionary Board	Shillong	2016
13. Pu Lunkholal Gangte	New Delhi	2017
14. Pu Noksiek	New Lambulane	2018
15. Nemkholam	New Lambulane	2018
16. ESC Gangte Veng M&B	Gangte Veng	2018
17. Nk. Nancy Nemneihvak	Hill Town	2019
18. B. Lalven	Lamphel	2019
19. Ginkhothang S. Gangte	Throiluok	2020
20. Pastor T. Goulienmang Gangte	Tripura	2020

### PATRON MEMBERS:

1. Pu Henkhojam	Siempat	1994
2. Sep. L. Gangte	5th Assam Regt.	2003
3. Dr. Lalzazdal	Chiengkawnpang	2004
4. Upa Niala	Shillong	2004
5. Pu P. Gangte	Shillong	2004
6. Pu B. Manga	Shillong	2004
7. Pu S.T. Gangte	Shillong	2004
8. Pu Lalkithang	Delhi	2004
9. Rev. Dr. Sason	Dimapur	2007
10. Rev. T. Kampu	Guwahati	2008
11. Pi Phalneihthiem	Dehradun	2008
12. Pu B.K. Gangte	Dehradun	2008
13. (L) Hengo	Chief of Chongmun	2010
14. Upa Dr. L.S. Gangte	Chiengkawnpang	2011
15. Pi Niengzalam	Chiengkawnpang	2011
16. Pu Sangvung	Chiengkwanpang	2011
17. Pu S.K. Gangte	Shillong	2011
18. Pu Lovejoy	Kohima	2013
19. Pu Goginthang	Shillong	2013
20. Pu L. Minlun Gangte	Shillong	2013
21. Pi Lalkim	Shillong	2013

## CHAMNA AW PHUNGVUKNA

Pathien in Chamna Aw phungvuktu ding, mi kipie zo ei pie zel a-

- (1) Pastor T. Goulienmang Gangte leh Thiemngaihling Gangte (Boinu), 10<sup>th</sup> Wedding Anniversary (July 24, 2020) Pathien kawma kipahtu genna'n CHIEF PATRON in ahung pang ui.
- (2) Pu T. Gina Neihsiel, Nalawn, Silver Member in ahung pang hi.

Zie tawbanga a tawmngaihnaui hih Chamna Aw Editorial Board in kipahtu a kigen hi. Maban ale, atamzaw semdawk thei di'n Pathien in vangsak zel ta hen.

## HETTHIEM NGETNA

Tu chung April Issue hi I gam buoi ziek in Chamna Aw le ahi ding bang taka suoh theih ahi puo a simtu te cheng hetthiemna ka hun ngen ui. A colour hi Imphal lama ki print sek ahi a, Imphal lam chieh theih ahih loh ziek in tuchung Issue hi Black & White a suoh ahi tadih hi.

*-Editor*

## ISU THIHNA, THISAN LEH A THAWHKITNA ZIEKA HAMPHATNA

*By: Rev. K. Siemlien*

**K**rista thihna, a thisan leh a thawhkitna hin gingtute bukim in ei siem a, ei silthieng hi. Thagau lama ei siem bukimna, Vankhuo leh tui, Pathien chate a ei siem, na mai hilo in, zie lei taksa damsung ngei ahile amah a dinga thiengtho bukim dinga ei deih ahi. Lungthim, Thagau lama thiengtho a kihe, taksa a ut ut a um dinga ei siem hilo ding ahi. Ei siempa deihdan leh ei tantu deihdana thiengtho bukim dingin Lalpa'n ei deih ahi. Eimah deihdan a I um tieng I lunglutna, I phasak dan, I deih, I duhdan haw a puihmang in I um sek a, zie chuh khawvel mite tawh kiguolchanna ahi. Mahni deihdana khawsate a ding chun Pathien deihdana thiengtho leh pawmtaka um a haksa sek ahi. Zie tieng chuleh Pathien ei deihdan leh siemdan ahung gamla a, a mel akilang thei ta sek puoh a, Kristien lungsiet um, Pathien tawh umkhawmlo, kipawlo, amah kipuihsak lo a, ei mah leh ei mah kipui I hih tiengleh abuai, a thienglo a bukimlo a ei leh ei kipuimang a kihi sek hi.

A THIHNA: I thihsik un a thi a, I hin kit theihna dingun, salam in ahung pang hi. Zie gancha (salam) ding chuh um kileh kichamna um theilo ding ahi. "Melma I hih lai ua bawn, a chapa thihna vanga Pathien tawh na kichamsa I hih chun, kichama I um tak nung uhin, a thihna vangin hukdam in um ngei hitiu" Rome 5:10.

Masanglaia gancha thisana kithawihna haw cheng le Isu Krista thisan, etsak ahi vek hi. Atak in hung thi nailo mahleh Pathien lemguota Krista hung thih ding hetlawk, genlawka umsa etsak ahi. Masanglaia gan thisana kithawihna chuh kum khat chauh setttheih ahi a, kithawih kit zel ngai ahi. Isu Krista thihna zieka, amah

taksa ngei ahung piek vang chatuon a ding ahi a, kithawih kit ngai talo ahi.

A THISAN:- Thisan hih hinna ahi. A thi chuh a hinkit theihna dinga thisan mah ngai ahi. "Thisan manglo in gitloh ngaihdamna him him aum puoh ngala" (Heb. 9:22). Masanglai huna gitloh thawihna maicham a ding in le gancha thisan a luon a ngai hi. Zie thisan chuh thiempu chun mun theingthopen ah gitloh ngaihdamna dingin ava mang sek hi.

Gancha thisan a gitloh ngaihdamna hih Krista thisan etsakna ahih ziekin. Isu thisan ngei chuh atak in, mi cheng chenga dingin a hung pawt ta a, migilo- thiemloh chang, mahni kihukdam theilo chuh kum khata ding mai hilo in, chatuona ding, vangam chana le zie thisan zieka chuh thiemchang, Pathien chate hi nalai ding I hui hi. A lopi ngei ie! Hinna dinga Thisan sanga lulzaw bangmah umlo ahi.

A THAWHKITNA: Isu thawhkitna hih Kristiente ginna kingakna bul leh a chetna abukimna ahi. Aziekchuh, thihna apat, a gensa guol ngei in a thokit hi. Ziekchun, a gen chuh adik a, Pathien ahihna le atak ahi tih ei hetchet sak hi. Thawhkitna hin Isu thugen, a nasep, a thuneihna bangkim adik vek hi tih ei muhsak hi. "Isu'n kei thawhkitna leh hinna ka hi, a tii" (Jn. 11:25).

A thawhkit ziekin - gitloh ngaihdamna akichien hi (Ngaihdamna bukum)

A thawhkit ziekin - a hing a, Pathien masang ah ei gensak zing hi.

A thawhkit ziekin - Thihna a zo hi. Chun, ei ule thokit ngei ding I hui hi.

Isu thawhkitna hih a nasep cheng cheng sukbutinna ahi. Kipahna nasatak ei piei. Isu zieka chanpha cheng cheng changthei dingin Lalpa'n hun umpih zing hen.

## KIPAHTHU GENNA

Tukum 2020 sunga Common Project a dinga Sum hun pie te chung ah Pathien min in kipah thu ka hun gen ui. Na kipiekwahnau Pathien thawn in kawih puon tin, atamzaw sem pie thei ding in Pathien in hun vangsak zing hen.

Tukum 2020 sunga hun piete ahun piek zah uh anuoia haw hi ahiu:

1. ESC Workerte apat - Rs. 1,85,550/-
2. Tangnuom ESC apat - Rs. 10,000/-
3. Shillong ESC apat - Rs. 1,00,000/-
4. Shillong a Mimal apat - Rs. 22,100/-
5. K. Laitui ESC apat - Rs. 20,000
6. K. Laitui a Mimal apat - Rs. 20,500/-
7. Muolhoih ESC apat - Rs. 10,000/-
8. Langvon ESC apat - Rs. 10,000/-
9. Pi Lovejoy nu apat - Rs. 2,000/-
10. Langol ESC apat - Rs. 50,000/-
11. Gangpimuol ESC apat - Rs. 24,000/-

- Secretary, BRDP, ESC.

Zie hi ahi kipak um tak mai chuh, paul in le “Lal Isu Krista a chun kithuom unla” ti’n Rome khuo mite a hilh hi. Eimah a thil pha bawl “theipi nah chen mai sang chun, ginna a Krista felna tuchak in kithuom hitiu. Rome 13:14. Lalpa Isu Krista chun kithuom zawu inla, na phehlevo utnau pitin dingin bangmah hih kiu.

Mihingte ngaih a thil fel tak hih “Thilpha bawl” leh dan thupiekte zawpna/zawmna, thepi nah khuih khawm chen sang in, misuolte kivanna dinga Pathien puonakchuol ei piek zem hawih tak tak “Lili pak hawih Lal Isu” “Saron pak hawih Lal Isu” “Tuoi lo pak hukdampa” leh zem hawih tak tak, “Thunuoi gawlhna haw” “Kingaihtawmna haw” “Zaidamna haw” “dawh theihna haw,” “lungsietna haw,” “zaidawhna haw” puonakchuol chun kituom zawi tiu. Zie zem hawih tak mai chu Lalpa Isu hawihna puonak chuol chu ahi.

Mihing lama felna kithuomna/kivanna chichuomte Pathien in ei hun etna achun, silh leh chen kihdakum tak guol chauh ahi. Isai 64:6. Ka bawn un ka na buok vek tau a. Ka diktatnau cheng le puonsie nen kihdak um tawbang phet ahi. Ka gitloh ziekun nahpa hung vuoi tawbang phet ka hi tau a, ka sukkhelhnateu chun huih guol in ei tawkmang sek hi. Tita 3:5. Ei uh ei hukdam ta a, zie chuh ei mau mawng in thil I hihphat ziek uh hilo in, himahleh amah mawng hehpihna chun, thagau thiengtho a pienthakna leh hinna thak a chuh ei sil in, ei hukdam I hi tau hi.

Theipi nah khuihkhawm chen hi chu, mi et a lampi dik hileh kilawm tak a kilang a um a, a tawpna chuh thihna ahi. Thuchingte 14:12. Mi ngaih a lampi dik hi leh kilawm tak a um a, a tawpna chuh thihna lampi ahi ngâl.

Zieziekchun, savun puonakchuol Pathien siem ngei I phatna ding ua kivanna ding a ei piek Lal Isu Krista ngei chun, ginna’n kithuom/kivan chiet hitiu.

Lalpa’n a thu vangsak ta hen.

## ISU THAWHKITNA THUCHAH

*Rev Dr Ellien Gangte*

**K**rista Isu thihna Apat A Thawhkitna hih hapta khat sunga ni masapen ahihna chientak in Bible ah akigen hi. Chun, chawlhni zawh a, chawlhkal khat dinga ni masapen a, khuo a vak ding kuon in, Mari Magdalin leh Mari dang chuh than en dingin a chieh u a. Matthai 28:1. Mark 16:2,9. Luke 24:1. Chun, zie ni, ni sagih ni masapen a nitâk lam a hung hih phet chun, Sinsakte chuh Judate a lauh ziekun, kawt kisungkam khum in a um khawm u a. Zie chun Isu A hung a, a laku ah A hung ding ta a, a kawm u ah, “Na chungu ah lungmuonna um hen,” A ti a. Johan 20:19. A masapen in, ka muh mah khah ka hun hilh sawn na huih hi: khati a, Krista chuh, Pathien Lehkha thu bang zela, I gitlohna hawu zieka A thih a; vuih a um a, Pathien Lehkha thu bang zela

ni thum ni a kaihthawh a A um a; Kiphaw kawma A hung kilak tâk thu kha; zie nung chun, sawm le nih te kawmah A kilak kit a. Zie nung chun, Amah zuite zanga sanga tam zaw te kawmah A kilak kit a; a lak uh a khenkhat chuh tuhin le, a dam nalai u a, khenkhatte chuh a ipmu tau hi. Zie nung chun Jakob kawmah A kilak a, chun, zie nung chun sawlchak cheng chengte kawmah A kilak kit a. Chun, a nunung pên achun, chapang a hun lo a pieng tawbang, keimah ngêi kawma hin A kilak ta a. 1Korinth 15:3-8.

Bang zieka Kristien taksan kibulphuhna chu Isu Krista thawhkitna hih ahim? 1} Isu’n thihna apat thokit ding ahih thutiemna aneih ziek ahi. Isu’n A thutiem cheng supiting zo ding ahih tih ginchakna I nei

ui. 2} Isu taksa thawhkitna hin thiemgau lêm hiloin Thiemgau diktak ahih a sulang in, a suchien hi. 3} Isu'n thihna chung a thuneihna aneih ziekin thawhkitna chu I gingchau hi. 4} Isu thawhkit thilhih theihna chu I hinkhuo ah le aum zing hi. Isu Krista thawhkitna hin mihing puitu leh Pathien Chapa ahihna a sulang a, ziezieka chuh Kristien taksan kibulphuhna hung hi ahi.

**Vangam aum dinga kaithawhna:** Chun, Isu'n a kawmah, "Kei hi thawhkitna leh hinna chuh ka hii. Kuole, ei gingcha chuh, thi mahlele hing ina; Johan 11:25. Ka thugen u chuh, Krista mithi lak apat A tho kit hi, tih a hih ngâl chun, bangti dana, na lak uh a mi khenkhat in, "Mithi thawhkitna a um puoi," na tih uh a? Mithi thawhkitna aum loh ngâl chun, Krista khale kaihthawh in um puon a; chun, Krista kaihthawha aum loh ngâl chun, ka thugen u hile bangmah hi puon tin, na ginchak uh hile bangmah hi diek puon a. 1Korinth 15:12-14.

Mit a mute thusim apat in taksanna neih theih ahi. Isu thawhkitna hi mi zatam

takin amuh dan uh het ahi. Sawlchaklien 'Apostle' te hinna phal a Chanchinpha a gen uh a, Martar a, a thihnau hin a suchien diek hi. Maktaduoï tamtak in a hinnau siempha a, Isu thihna apat A thokit hih tih hetpihtu a apan uhin hingzing ahihna a suchien diek hi. Pathien thilguon Kraws a tatna, I gitlohnau cheng cheng ngaihdamna chu Krista thawhkitna hin a subukim a, Vanggam ah kumsawt a um ding I hihnau a chien hi. Kristien hih sakhuo leh umdan pha mai mai hiloin thihna apat thawhkitna leh hinkhuo thak ahi.

**Isu thawhkitna phat chuomna:** Chun vânsâwlchâk chun numeite chuh a hopih a, a kawm u ah, "Nangun chuh lau kiu in! Isu a khetdên u kha hawl na hui hi tih ka hêi! Zie tak ahin A um ta puoi; A gen guol ngêi in A tho kit ta kha. A kuolna mun hi hung en mah tiem u. Matthai 28:5-6. Pathien in khawvel A hehpih mah mah ziekin, A Chapa changkhat neih sun A pie a, Amah chuh kuole a gingcha taphawt chuh a manthai loh u a, kumkhuo a hinna a neih zawk nâng un. Johan 3:16. Isu

Adam leh Evi chun, amau a dinga Pathien lemguotna deihum tak chu a pawm tau hi tih savun puonak a ak u a kipat in a kilang hi. Puonakchuol chu ak nuom ta kileu chuh a sik ua thi chu pawmlo tihna ahi mai hi. Pathien puonak siemsak chu a aknuom tak ziekin Pathien lemguotna chu a pawm phet un, Pathien taksanna neitu ahi tau hi. Amau ngaihndan in theipi nah chen tettut kha suol khuhmangna'n Pathien in a pawmpih puoi. Thilsiembul 3:7. Tichun, a nih un a mit uh ahung vak ta a, sangawn ahih uh ahung kihedawk tau a, tichun, a chen ding un theipi nah a khuikhawm ua, a kituom tau a.

Mihing lam thil bawl leh suongtuohna tel kei lo in, Pathien ngei in, a gitloh uh khuhmangna dingun, Amah khut ngei in gan thisan a pawtsak in, savun puonak siem in a aksak zaw tai. Thilsiembul 3:21. Chun, Lalpa Pathien in Adam leh a zi a ding in savun puonakchuol haw a siemsak a, a aksak ta a. Khutiguol mah chun, khawvel suol khuhbeihna'n mihing thil guot leh ngaihndan leh lemguotna tel keilo in, Pathien lungsietna leh zahngaihna chun, a chapa neihsun Pathien Belamno, suol him him neilo chuh a thawn in ei pie a, ei a dingin a thihsak tai. John 3:16. Pathien in khawvel a hehpih mah mah ziekin, a chapa changkhat neihsun chuh apie a, kuole amah gingcha ta phawt chuh mangthai puou intin, himahleh kumkhuo hinna nei zaw'n au, Zie tak ahin Pathien fel ahihna taklat in aum a, Adam leh Evi kithuomna puonakchuol guol mah khan, gingtute chu Pathien felna a kithuom in A felzie etsakna'n, Isu thisan apat in a hung en a, I gitlohnateu he talo leh khuhmang guol in zahngaihna'n ahun en a, Krista felna a thuom in a mu tai.

2 Korinth 5:21. Amah a chuh, mi diktat I hung hih theihna dingun, gitloh him him helo hiel pa chuh, Pathien in ei mau haw ziekin, gilo in a siem ta ngal a.

2 Korinth 5:20. Khutichun, Krista sika palai ka hui a, Pathien in keimauhaw ei mang in a hun nget na hui hi tih theih ahi. "Pathien tawh na kicham un," ti a Krista sika ka hun nget na hui hi.



sanga kigelgawta kisuksie ti'n Bible in agen hi (Gal.5:15).  
tuoh guo zing I hih u chun Ki-enchien thak hi tiu. Lalpa'n  
mangthai teitei ding I hui hi, athu malsawmta hen.

## ISU KRISTA FELNA AH KITHUOM HITIU

-Evan. Lamzagin  
Chiengkongpang

Lalpa Pathien chun, Adam leh a zi a ding chun savun puokakchuol  
a siemsak a, a aksak ta a. -Thilsiembul 3:21. Savun puonakchuol  
chun Lalpa Isu gingtute kithuomna; Krista chuh I felnau dinga  
guot ahihna a etsak hi. Krista chuh Pathien lam apat ei uh a  
dinga chitna a siem ahi. Felna lam ah, thienglimna lam ah tatna  
lam ah ti a Paul a gen guol khan, -I Korinth 1:30. Himahleh  
nanghaw vang chuh, amah zal in Krista tawh pumkhat in ahun  
siem a, amah chuh Pathien apat ei uh a dinga chitna, diktatna,  
thienthona leh taddawkna dinga siem ahi.

Suola a puknung un Pathien ngei chun, Adam leh a zi a dingin,  
Amah thu ngei in suolna neilo ganhing a thahsak a, gan thisan pawt  
in amau a di'n a thihsak hi. Thisan pawt lo in suol ngaihdamna a  
umloh ziek in. -Hebrai 9:22. Tichun, dan thu vang in, thil cheng  
cheng chuh thisan a sukthien in a um sek a, thisan manglo in gitloh  
ngaihdamna him him a um puoh ngal a. Tichun, thei a nek tak ziek  
u khan, suol zieka thihna vaihawmna chuh a chung u ah ahungtung  
tai. Ahih ziekin, lungsietna zal in, a thih thasang un gancha thisan  
pawtsak in, Pathien in amau di'n lungsietna'n vai a hawmsak tai.  
"Na nek u akipat in thi ngei ngei ding na hui hi" ti a thupiek kha a  
chung u ah a tung tai, amau a di'n gan thisan pawt sak in a um daih  
tai. Thilsiembul 2:17. Himahleh asie leh apha hetna thinggah vang  
hi chuh na nekloh ding ahi, na nek ahih chun, na nek ni ni leh thi  
ngei ngei ding na hi," ti'n thu a pie a.

Krista thawhkitna umlo hileh Kristien umlo ding ahi. Pathien  
in thihna chung a vaihawm a, zotu ahi a, ei uhle thokit ngei  
ding ihih ziekun Thawhkitna hi I kingaknau ahi. Pathien in  
Isu thihna apat A kaithawh banga ei uhle ei kaitho ding ahi.  
Isu thihna khah a tawpna ahi puoi. Isu thawhkitna hih Amah  
gingchate dinga kumsawt hinna kipatna ahi. Lalpa Isu, hinna a  
kaithopa Pathien chun, eihaw le Isu tawh ei kaitho intin, nang  
haw tawh A umna a chuh ei puikhawm ding ahi, tih ka he  
ngâl u a. 2Korinth 4:14.

Isu Krista hinna, thihna leh thawhkitna I taksannau achun  
Pathien masang ah thiengtho leh demnabei in ei kawih hi.  
Hangsan takin Isu kawmah I chieh thei ui. Isu chu nang leh  
kei dingin A thi a, A thutiem ah eiu ei umpih zing hi.  
Amah vanga, thihna apat kaithopa leh, lopina a puilutpa  
Pathien taksangte na hui a; khutichun, na taksannau leh  
kinepnau chuh Pathien ah, sukdet a um ahi tai. 1Peter  
1:21. Pathien thutiem diktak ziekin Amah chu I kinepna  
bulpi ahi. Lalpa chu I ginchak

zawmluh phatleh I kinepnau chu a beimang sek hi. Khawvel  
thusim a thawhkitna thiltung lienpen hi I kinepnau bulpi ahi.  
Isu'n thihna apat thokit ding ka hi A tih bang a, A thawhkitna  
hin A thutiem cheng cheng dik ding ahihna a suchien hi.

**Taksa thawhkit zawh a taksapum:** Limbawl loh  
a tuhin a um a, lopi taka kaihthawh a um dingin;  
zawngkhal taka tuhin a um a, thilhah thei taka kaihthawh  
a um dingin. Mihiem taksa a tuhin a um a, thagau lam  
sapum a kaihthawh a um dingin. Mihiem lam sapum a  
um chun, thagau lam sapum le um ina. Ngaitiem u, thuguk ka  
hun hilh ding na hui hi: I bawn un a na ipmu khel puoi ting uh,  
himahlele, I bawn un, pengkun nunung pên git tieng chuleh,  
chawmlo kalin, mitphetkal lo in, sukdanglam in um vek tai  
tiu. Pêngkun a hung git tieng chuleh, mithite chuh, muot  
theilo a kaihthawh in um un tin uh; ei uh le sukdanglam  
in um vek tai tiu. Zie muot thei hin, muot theih lohna a  
silh ding ahi a, zie thithe hin le, thih theih lohna a silh ding

ahi. 1Korinth 15:43-44; 51-53  
Taksa thawhkitna chu tua I taksau bang bang hih hi ding ahia, mahleh Pathien apat lopina taksa maktak I neih khawm dinguh ahi. Isu bâng a, A chiehpai banga ei uhle chiehpai ding I hui hi. Chun, ni giet nung in, Sinsakte chuh In sung ah a umkhawm kit u a, Thoma le a laku ah a um ta

a. Kawthaw chuh khaksa ahi a, himahleh, Isu A hung a, a laku ah A hung ding a, a kawm u ah, “Na chungu ah lungmuonna um hen,” A ti a. Johan 20:26. I taksau chu gitlohna zieka suksiet in umta puona. Taksa damlo, khawsik leh gitloh ngaihtuohna um talo ding ahi. Pathien masang ah bukim takin um ding I hui hi. Amen!

## CROSS A ISU VEILAM A THIPA TESTIMONY

(LUKE 23: 39-43)

-Mangkhuo Gangte  
Bunglawn

**M**igilo leh suom mang, Isu Krista veilam a, kikhen den pa khah dawtna kibawl henla, “Ahiehleh Unaupa, bang ti dan a nang hih, gawtmun a valut kha nahim”? na ki khetden pih pa, nalawipa (Isu changlam a kikhenden pa) khala Paradise ah a um tai, akiti a, migilo chiet chiet, bang atia nang gawtmun a lut a, vangam kailo thei nahim? Ti’n kidawng le chuh anuoi a bang hin, ei dawng ina tih gin chak aum hi.

Unaute nei thudawt uhuh dawl dinga kilawm tak chuh ahia, mahleh hun dawn dingle zahchak umtak hia kahet ziek in, thatlawp um in kagel hiel puoi. Ahinla nahun dawl ngal uleh dawnloh hiel chule thil kilawm hikit puon tin, meikuong nasa tak thuok zing pum in, chawmkim cha’n hun gen mai ing ka. Kaki ngaihtuoh tuoh leh kei hih khawvel a mihing pieng cheng

ahung tungta ahi. Babulon- te ahung kuon ua, kulhbang chimsa’n ahun tuokkha tau a, alut ua, baihlam takin BC.612 in khawpi chuh alatau hi. Zieaikhan, achateu sa nasan duhcha’n aum ui, achan siet zieu mita mu chuh Judate ahui hi (2Kin.17:5). Zawlnei tampi’n na suohpih Israelte chan siet zie khah na hetsau ahin, nalam piu hih en chien unla LALPA kawmah kileh kit un, ti’n a sam ui. Pathien chuh lung na lele na kisik u leh lunghei intin khawpi chuh hawi ding ahi ti’n, Zawlnei neu leh lien adiekin Jeremiah lawi sawl ana hui hi. Himahleh gitlohna lam anawh tuntun ua, Zawlnei Zephania bang hih leng suona zawlnei um sun ahia, a chipihte akisik loh u chun, Babulonte’n abuluh ding uh ana genta ahi (Zeph.1:14-16). Gam leh nam mai hilo in asunga chêng gamsa natieng sumang vek ding ka hi, LALPA’N atih sasân le, kilehkit lung agel puou ui. Zephania, Nahum, Jeremiah, Habakuk leh Ezekiel haw hih Judah Lalgam tawp kuon lama zawlneite ahui a, Haggai, Zecharia, Malaki, chuleh thusimbu ah Ezra,

Nehamia leh Esther haw hih saltan nunga ngen ahui hi. Jerusalem asiet ding kuon leh asiet chana thiemgau ana hi, Ezekiel in amanloh dan uh ahe mahmah hi. Na hawihna kimuonpihin, na minthanna chuh na mangkhiela, na muh lamlam kawmah na kizuoka, Sana leh dangka hawih taktak ka hun piek leh na kilaka, na deih dandan in na manga, **I nam sunga Pathien thil piek service nei thak cheng hinla sakhuo hih buoipih masa phawt hitiu, (Eze.16:15)** chuleh Jerusalem lam nga a Thiemgau thilmuh aneih chuh; Israel upate Tamuz ngaia kap leh, LALPA in nungata, milim pathiente hoa bawkkhup ziehzieh mai, kipawngbawl na leh thim lak ngen ah akhuosau ui (Eze.8:9-18). Pathien nungata khawvel nawpsakna leh hauhsakna ngaia kap a, thim laka khuosa hi leu hing chu aw ! ei uh Calvary thisana chawksa, kum zakhat val kristiente, tunin bang tin ikhuo sau em? Hun hung tung zel ding hih bang tawbang hun ahi dem, Sakhuo leh politics ah i lungawi tawk nau em? Lungsiet, lam dik kikawkmuh

leh thamuonna thu pawimawh lo, gam leh nam siempha dingin asunga chengte do ding hilo, sakhuo siem pha dingin le sapchuom mipi gensiet ding hilo, melmate kimaituohpih ding ahi.

#### NENEVIH PUKSIET DAN:

A kulh san dan chuh feet 100 a sang, availam sakawl kangtalai li kipel thei, chuleh Tirgiris luipi leh Khors luipi kisuktuohna tak ahia, Imphal khawpi sunga Assam Rifle-te kangla tui aki umsak bang deuh un, luipi chuh abitnau khat ahi (1:4). Diodorus Siculus chun, mihing sukchim ding vang ahitapuoi, luipi hih melma ahung hih hiel lohleh”ti’n ana gen hi. Scythian mi Arbaces in le kumnih hiel adoa bangmah alawh zo puoi. Titanic lawng Pathien in susie zo puona, tia agen uh vuk in asuksiet bang leh Khawvela mi hat minthang Alexander the great, khawvel pumpi tawhphah dinga kipan daw, Hindukush luiphai a Indiate thokang in anawhkit bangin, Zankhat thun tui ahung liena, kulhbang cheng atawka, ziechun melmate lut in ahal

ua, Lalgam chuh akichai mai hi. Pathien in mi chapote adoa, bangtawbang kulh himahleh sukchim lah anei puoi. A puksa lalgam leh ahung um zel ding lalgam haw le Pathien khuta um vek ahi. Khawvela hatpen ding kichuhna laka telpha China, khawvel pumpi lamlien laih tung guo, gam tina sum hawm dinga kisa, tuhin bang maikha ahi tam? Aw Novel Coronavirus! ti’n la thiemten la phuok un au. Pathien gingchalo leh ana sem ut lo gam leh nam chuh Mangthai ding ahiu (*Isai 60:12*) tih Bible gen bangin Pathien helo gam hat taktak North Korea, Iran leh Russia guolin galvan haute kisuonpih lo in, lei leh van siempa Pathien a nei nam America-te paucham sak sek hitiu.

#### NAHUM HUNLAI A SAKHUO LAMA ANIEMKIEK DAN UH:

Assuria-te’n Jona thu gen ziekin gitloh asim ua, melmte khawpi Ninevih chuh kum zakhat val hiel ana bit hi. Himahleh tu’n achateu khangin Pathien aheta puoua, tun chuh kisikna hilo in pukna thu Nahum kawmah

laka, avangpha pente tih theih tawmchah umsun te lak a khat hi’n kaki ngaihtuoh hi. Aziiek chuh Isu kha tawh nai cha a um khawm kahih na ziek in. Tua zie tak a, meikuong lak a, ka umpih te laka atam pen te hih Isu amuhloh chauh ule hilo in, achanchin him him hile khatvei cha za khalo, kuoma’n a kawm ua, gawtmun leh vangam thule ahilh khak loh ngen te’u ahi. Kei vang Hukdampa Isu tawh naicha a, kiho pha thei dinga um khawm kha kahi a, cross a, athih ni a, migilo nih kikhenden te laka aveilam a pa kha kahi.

Isu khenden tu Judate hotute leh, Thiempu lien ten, “Nang pathien mi tel, khrista nahih leh, nang leh nang kihukdam inla, Juda te leng nahih leh kross apat hung kum in, khutileh hun gingcha ding kahi” ti’n ahun engho ek ek tau hi. Kross a kikhenden anat dan chulah agen ngaihna umlo ahi mai hi. Chun ahotute’n Isu a hona’u behlap in kenle, Isu kawm ah, “Krista nahih leh nang le nang kihukdam inla, kei utenih hile ei hukdam un, gimtheih umtalu hila ahim? Ti’n kahun ngen lai zang kit tai. Ahinla Isu’n kanget na chuh kamkhat in le ei dawng ta puoi. Khawvel a, aum lai a, thilpha bawl a, gimtheite panpih ngaite panpih pa hi a, bangti dan a kathil nget hih hun dawnglo ahi die aw, tih kangaih tuoh leh ki suonlah um le kahun sathim tai.

Zie laitak chun, kaki khetden pih pa’n ka thugen chuh, ahun dawng zaw ta a, “Bang ziek a khetden a um nahim tih kihet in, Pathien lauhna changle helo nahi maw ? eite nih hih igitloh zieka khetden a um ihi a, gawt taak himle ihi. Ithil hikhkielh man mu ihi; chuleh zie pa hin (Isu hin) chuh bangmah hikhkielh neilo ahi” ti’n awihmawh tawh sim mawh eihun thuoh tai, zie phet chun ka thil nget chuh thil zahchak um tak inle kahun gel tai.

Isu’n leichung a, aum lai a, “Taksa that thei te lau ki’u inla, thih nunga taksa leh thagau anih a gawtmun a paihlut thei pa Pathien lau zaw’u un” (Matt: 10:28) a ana gen bang khuh ngaihtuoh khalo ka hi a, ka thil nget chuh amun leh ahun tawh kituok lo chuh kasa tun tun mai tai. Taksa hukdamna deih ziek a, thagau

kumkhuo hukdamna pawimawh pen ngen khalo kahi ta mai hi. Chuleh zie taka ka kawm a, meikuong laka simsen loh te hile adamlai ua, Pathien tello a, taksa nawpsak na ding, letding, lal ding leh pil ding, thiem ding leh hauhsak ding chauh ngaihtuoh a, thihnunga vaihawmna leh gawtmun um ding thu mawng mawng ngaihtuoh utlo te ngen ahiu hi. Akhawk hi tih khel gen ding umlo chuh ahi mai tai.

Chuleh ka hih khielh na ban ah, kahih khielh sawn kit khat chuh, ka ki khetden pih pa, ka lawipa'n Isu kawmah, "Lalpa nagam natun phat leh ei hun hezing in aw" atih leh Isu'n, "Tuni'n ka kawm ah paradise ah chawldam tan" tia agen chuh kazak phet in, Lalpa kei le na kawm a, paradise a um ka ut hi, na kawm a ka thil nget chuh angen khiel kahi tai, ei ngaidam in Lalpa, ti thei ta mai leng chuh, ei ngaidam nuom mah mah ina tih ka gingchai. Ahinla khutia gen na chang chuh, helo in bawlkhiel kei chuh kahi tai. Hukdampa tawh ki naih cha a, um zing hingal in, tun chuh kumsawt a dinga ki gamla chuh kahi mai tau hi.

Khawvel a dam nalai te kawma kahun thu vaithak nuom chuh, achunglam a kagen Matt: 10:28 na khuh ahi mai hi. "Taksa that thei te sanga taksa leh thagau anih a gawtmun a gawt theipa hih lauh ding ahi zawi, tih hih kahun thu vai thak nawp pen chuh ahi. Chuleh Isu tawh kinai cha a um khak man a, hukdam a umding ihi puo a, ei hukdam in, tia isap tieng chauh leh ei hukdam chauh ding ahi tih hih phatak in hun he chiet un.

Chun, mitamtak te biekin kai kai zieng, thawhlawm le pie pie zieng, Bible le achang chang leh sim zel tho, ahih vang a, Isu kawma, Migilo kahi Lalpa, ei ngaidam in tikha ngeilo te chuh, bangmah tik in, Isu kawm tung thei ngei ngei lo ding ahiu. Vangam leh gawtmun hih chiemnuh na mai mai ahi puo a, a um tak tak ahi. Tuhin na masang u ah lampi nih aum a, khawi zawk na tel ding uh ahim? Deihtelna chuh, nang mah khut ah aum a, zie ziek chun Isu kawm tun theihna lampi "Lalpa migilo kahi, ei ngaidam in" hunti thei chiet guo tau in, tih hih kahun vaithak

ding ahi puoh die! A guollah niu leh na kipah loh ding ahi chu la, panpih a ngaih ni'u in kisathei dah ta! ka mite vangsietna nuihsan dinga bang zieka kulhsunga va lut e, nang? ti'n Edomte kawmah Pathien in agen hi (**1:10-13**). Tuhin le mi vangsiete dinmun vak en leu hing, a suohpih panpih a ngaih tieng, melma lama pang ding leh, inkuonpihte'n buoina atuok nia kipaka khut beng ding pawl um thei ahih he chiet leuhing, Zietawbang chuh Jakob leh Esau unau kal ah ana tunga, Esau suon Edomte hih Pathien helo suonte ana hiu hi. Jakob suonte hih Pathien lungsiet chang mi ahi tih I he chiet ui (**Mal.1:2, 3, Rom.9:13**). Chun Isak in a chate vang a piek lai in Esau hih chemjâma kivak dinga vangsakna a piekkhawm ahi (**Gen.27:40**). Melma nei zing ding leh gal bawl ding mawnga vang kisak mai chuh, kihetpih dah aum e!. Chun Judate'n nam hatlo melma hau ana belh khak tieng u leh abuoik sek ui "Belhtakloh Nam na belh ziek un hung muolpho ding na hiu hi" ti'n Pathien in Isai mangin thu ana gen hi (**Isai 30:5-7**).

**3. Nahum:** "Thamuonna" tihna ahia, Lungsietna bei hiela sawisatu Assuria khawpi Ninevih pukna ding thu va gena a chipihte thamuon dinga LALPA mi guot chuh ahi. Ngaitiem u! Tanglama kipat thu kipah um hun puo, Assuria khawpi pukna thu tangsam dinga hungpa keng chuh ahawihna lawmlawm e! Aw Judah na kitiemna bangin guolnawp bawl inla kipak in, Assuria leng leh a lalgam chuh kumkhuo a dingin paihthak ahitai (**1:15**), na kisuonpih tuipi chuh kang dingin thu apie tai (**1:4**). Nahum apat zillai vak kimu hawih mah mah chuh, zawlnei dangte banglo a, achipihte simmawh lo a, melma lam anawh tuntun hih ahi. A chipihte thamuonna dinga Ninevih sietna ding thu va gen vielviel chuh thil nuom hilo ding, chuleh hansen le ngai ding ahi. Nam lungsietin nam buoi lai leh nam lamkaih ding, sakhuo lungsietin sakhuo abuoik tieng leh lamkaih ding, buoina umloh lai leh lamkai ding tam, buoina aum tienga lamkai ding bei sakhuo leh nam chuh avangsiet I tilo thei puoi, nam in buoina atuok loh

tau ahi. Khutibanga lungzing leh thawmhaua aum lai takun Pathien in Judah-te Thamuon dingin Thiengau Nahum asawla, hiti hin; Ninevi khawpi chuh LALPA'N akilan piha, a zahhuoina niu anaitai, "a chimtai kuo a asun ding?" tin, agen viel hi (3:5-7).

**ZAWLNEI NAM NGAINA DIEKTE:** Zawlneite hih nam ngaina ngen ahiu a, amahvang athupuok uh akibang chiet puoi. Zawlnei-te laka melma ngam diekte thu gen chuh;

1. **Habakkuk:** Pathien in Babulon lalgam asusie hak beka Habakukin hekna abawl ahi. Habakuk in, Aw Lalpa na mit chuh thil gilo etna dingin a thiengtho taluo a, migilote thil hih chuh na en thei puoh ngala, zie migilote thil hih chuh bangtin na thuok thei dem ? amauhaw sanga phazawte asukmangthai tieng u leh bang dinga thip hiethiet na him? (1:13). Nang chuh kumsawt Pathien hilo na him? (1:12), lungsietna beihiela, mite sukmanagna dinga achemzamteu alehleh mai ding u mawh? (1:17). I nam leh gam

damna dinga pawimawh chuh Pathien ahi. Judate'n le bitna deihin belh ding ana hawl sek ui. Muon um pen dinga ahet teu chuh bêl in thupi akisa mahmah ui. Pathien hatna sang in ami belhteu thupi dan leh hawihna akisaktheihpih ui. Habakuk in vang LALPA a Pathien ah alungthim anga chaka, Pathien lam ah aphun zaw ahi. bangmah hih theilo mipite chung a phun sangin ahihthei Pathien kawma phun chuh phunman um tak ahi.

2. **Obadiah:** Amah hin a chipih Juda sietna kipahpih Essau pukna ding thu agen ahi. Nebukadnezar in Jerusalem asuksiet lai khan Edomte (Essau suonte) chuh ana kipak ten ua, zeziekchun, na suohpih Jakob chung a na hiemngamten ziekin, zahchakna'n hun khuh intin, kumlehkhuaa dingin sukmanngthai hi'n la, nang muongtaka na um lai takin, nam dangte'n a kulh kawtkhakteu susie'n a goteu a chawmsak ua, zie laitak khan nangle abuluhte lama pang na bang maia, na suohpih a chansiet ni'n na nuihsan loh

na lienpen ahi mai tai. Gennawp tamtak kanei nalai a, mahleh ka umna Sheol meikuong hih asa taluo a, ka dang ahul zo a, zie ziek chun chan hih hiphawt mai ta hen, ti'n eihun dawng tei ina tih ginchak umtak ahi.

Simtu cheng Lalpa'n ei malsawm tau hen.

## CHIEHKAN KUT BELAMNO

*Rev. Khaitinthang*

Pathien in, achapa chang khat neih sun Isu Krista hi migilote sika **CHIEHKAN KUT** Belam no ding a lei lung kisiem ma apat a thil guon chuh ahi. Pathien lunggil leh ngaihtuoh na a chun Isu Krista hih athi zo kei ei tai tih na ahi.

Baptist Johan in ana gen na chun Pathien Belam no van nuoi gitloh puomang ding pa khuh ana tii. **Johan 1;29**, Baptis Johan in amuh dan tak in micheng cheng sik leh tha thasang a hung kipie ding ahih na agen hi. Anuoi ahin Pathien thil guon leh Isu Krista hih chiehkan kut Belam no ahih zie Pathien in mimasate manga ana gen uh vak en leu hing.

1. **Pathien in Isu Krista Chiehkan Kut Belam no etsakna:**
  - Pathien in Adam leh azi ding chun savun puon ak a siem sak a, a ak sak ta a. **Thilsiembul 3:21**
  - Pathien in Abel kithoih na chuh apawm sak a. **Thilsiembul 4:4**
  - Belan no chiehkan Kut Israel te Aigupta a Pharoa suok apata a pawt ding zaw ua Belam no thah na. **Exodus 12:1-f**
  - Suongpi apat a tui. Israwl te dawn dinga suong a tui hung pawt. **Exodus 17:1-7**
  - Thusawm piek (*Ten Commandment*) Israel te damna ding a dan. **Exodus 20;1-ff**

- Mosie'n gamthipa dakgul akhah kang. **Number 21:4-9**, zie haw tih louh hi le etsakna tamtak aum nalai hih aban in vak sulang suok thei khel puoi tiu.
2. **Isu Krista atak tak a Chienkan Kut Belam no ahiah na leh asuk pitit na:**

Pathien in Israel chate Aigupta te suok a pata apuih dawk ding zan a Aigupta te cha pieng masa cheng athah zan khan, Israel cha te'n Isu Krista etsak na Belam no thisan akawt bieng uh a tat in, Pathien lungnat na huoisietak mai chuh Belam thisan zal chun lung muongtak leh galmuong tak mai in Insung ah aum thei ui. Zie hin Pathien lungnat na hih Isu Krista leh athisan zal ahiah Pel thei ding leh, suokcha thei ding I hih na asulang mah mah hi.

Hun hung chieh zelin Setan in bang tieng in panlalele Pathieh thil tup chuh bang mah alawh thei diek puouha, lawiupate leh vaihawm tu te'n Isu Krista hih suoh chak sak guo mah leu, Pathien thil tup ahiah ziekin bangmah cha asu lamdang zou diek puou hi.

Pilat in Isu Krista khet den dinga athupuk leh mipi te kawma apiekw dawkw ni kha, Chiehkang Kut kiginni chet ah. **Matthew 19:14**. Zie ni hin Pathien in Pilat vai hawmtu mangin athuthun leh athiltup chuh ana su piting tai. Tuni hin ei haw ading hin Krista chun khatvei in kithawihna chuh kumsawt a dingin ana chai tai. **Hebrai 9:**

Sawlwchak Paul ngei in Korinth te kienga ana gen "Krista I Chiehkang Kut Belam no chule thah ahi ta ngal a ana tih hi". **1 Korinth 5:7**.

Tuni hin Krista zala Pathien ngaihdamna leh suohchakna chang te hin, Thagau lam chauh a suoh chakna chang chauh hilo in taksa leh, zie khawvel thim thil hih theihna apan ahile suokcha ihi tau hi. Krista zala zawh na lopi tak chang I hui tih hi ki hengilh lou in malam zuon I chieh ham ham hi tiu.

Lalpa'n a thu vangsak ta hen.

## PATHIEN ZAWLNEI NAHUM APAT ZIL DING

By:- Evan. Paukhomang Gangte.

**Ngaitie tang chung a Assuria-te thihna thu kipahum hun puoa, chamna thu hun taihpihte keng chuh a hawihna e! Oh Judah! na kitiem bangin, na guolnuom-teu bawl unla, nang uh dinga mi nunsiepa (Assuria lengpa) nang hun do dingin na gam ah hungkit lo ding ahitai. Amah chuh satthak ahitai (Amplified Bible Nahum 1:15).**

**ZAWLNEI NAHUM MIN LEH ACHENNA MUN:** Zawlnei Nahum min chuh 'thamuon' tihna ahi a, Elkosh a cheng ahi (**1:1**). Apienna Elkosh hih Jerome in gam dang hi lo in Galilee gam ahi tin akena, hinla adangte'n Syria gam Mosul kawma Elkosh hi dinga gingcha lawi aum ui, aziekchuh Bible in Assuria atih hi tulai a Syria gam hih ahiah tho ziekin ahi. Chun Elkosh ah apienga hun sawt nunga amah min loa Capernaum hung kisa ahi tia gen pawl aum ui. Caper chuh 'khuo' tihna ahi a Nahum chuh 'thamuon' Thamuonna khuo tia hung kisa ahi atiu ui. Melmate lau a aum lai tak un "thamuonna thu", Assuria-te

pukna ding thu ahung tung hi. Zawlneite hih gam-leh-nam ngaina ngen hileule a ngaina diek thum auma, amau chuh; Habakkuk Obadia leh Nahum ahiau hi.

**ZAWLNEI NAHUM THUCHAH:** Zawnei thu gen chuh Assuria-te khawpi Nineviah sietna ding thu ahi. Assuria-te'n Aigupta Khulhnei khawpi Thebez hun zo in (**3:8**), abanah mallam Israel khawpi Samari chuh 721 BC in hun susien (**2Leng.17:5-7**), tun Judah gam ahun melh pan tau a (**2Khang.32:9-19**), kulhnei khawpi le hun tieng hun zo in, simlam Judah khawpi Jerusalem a hun cho

9. JEHOVAH-SABAOTH: A umzie chu Amah chuh lei leh Van a thil cheng cheng siempa ahi tihna ahi. “Lalpa thu chun Van haw chuh siem ahi a, zie haw cheng cheng chule A kama hu a siem ahiu hi (Sam 33:6). “Amah chuh Van a (sepaih) mipi cheng cheng thupiepa ahi.” A sepaihte haw, a deihlam hih sek leh A nasemte haw, LALPA (JEHOVAH-SABAOTH) chu pakchau in. (Sam 103:21).

“Lopina Lalpa chuh kuo ahi? Sepaihte Lalpa chuh, Amah ngei hi lopina Lalpa chuh ahi (Sam 24:10).

Note: Zie a Pathien min chi kuo (9) haw hi, gilo a pieng (born sinners) mihing hinkhuo leh lunggel chuom chiet neite a ding in a khawipen ahim hin phatchuomna nei thei dinga lunggel leh paucham kawma hun kizik ahi. A phatchuompil um tei henla, Lalpa'n vangsak hen.

### Ngetna

*Chamna aw hi subscribe a, Articles a hun pie zing ding in leh subscriber ding hun hawla sponsor hun bawl zel ding in, chun aphung vukna ale pang ding in na tawmngaihna leh deihsakna Pathien min in ka hun ngen ui.*

*- Editorial Board*

# BAPTISMA CHAN THU



*-Upa Paozalun  
Chairman, ESC.*

*“Ei uh Krista Isu tawh pumkhat a baptisma chang ta cheng chun, a thihna a le baptist in I um tau hi, tih helo na hiu maw?”*

*-Rom 6:3*

*“Krista tawh pumkhat a baptist na hi tau a, tuhin Krista hinna a chu thuom na hi tau”*

*-Gal.3:27*

**K**a hun taklat nuom pen chuh baptist umzie hi ‘phum’, tui a chek duka ‘phum’ tih ahi. Sawtlut le tih ding ahi. A puma phumlut le tih ding ahi. ei Bible in a gen leh Krista tawh baptist changkhawm hileng kilawma ngaih theih a bang hi. English Bible I et leh ‘all of us were baptised into Christ Jesus’ tih leh “all of you were baptized into Christ Jesus” ahin English grammar simte lekhathiem deuh haw vangin en leu phumlut na hiu, phumlut I hiu. Khawitak ah em? Krista Isu sung ah tih ahi. A phumluttute

le um ahi. Kuo e? Pa Patien in Krista Isu sunga ei na phumlut daih I na hi tau tih ei muhsak hi.

Pathien in Krista Isu a ei na phumlut ahi ta a. I gitlohna teu le khetden khawm ahi tai. Thiemchang I hihnau chuh Krista Isu thawkna leh thihna zo a, kaihthawh I hih taknau a khan tel ahi tai. Zie thu hi kipaka Isu Krista ka Lal leh ka Hukdampa ahi tih phuonna baptist I chan uh ahi. Pastor in baptist ei chansak masang daih a Pathien in Krista Isu a ei na baptist ahi tai. Bangtik in

e? Kraws a a thih khan ahi tai. Pathien pahchak in um hen.

A etsakna hi zieng lele Aman le ei phumlut ahi a, phum thawh ngei a chan hi a dik ahi. Sapchuom dang dangin hihdan chuom chiet nei un au. Kuomah hihdan vak dem khello lengle Krista Isu sunga Pathien in ei na phumlut I hi tau tih I het u chun ei haw hihdan hi apha mah mah hi. Pathien in Krista Isu a ei na phum ahi tih I het leh kiphum phum mai a, baptisma chan nawp um ahi.

Noah te inkuon khan lawng a tu'u a, Tuisang ahung let phet khan tui in thil phalo Pathien deihloh cheng a chup mang hi. Hinkhuo thiengtho a hing dingin Noah te inkuon leh ganhing bangzah ahim kuong ah ana khum a. Zie haw chu a hing uh ahi. Zie tuisanglet kha baptist ahi, a tii. -I Pet.3:21.

Kalvari tang apata thisan lui hung luong chun namtin dinga gitloh sawp theinna ana hi ahi. Na gitlohna tui a chun thuk tak in phum in tih a la a, I sak guol un, tui hi Isu thisan guola ngaih a, kiphum suokkei ding ahi. Lalpa Isu min pahchak in um hen.

*“Ka gitloh leh ka netna sawpthieng di’n,*

*Kalvari Kross a Isu kikhenden;*

*Angelte’n a en ui mak a sau ui,*

*Mi gilo kei di’n a kipumpiekna.*

*Aw hehpihna mak, Aw tatna mantam,*

*Ka gitloh beihna’n man lopi a piei,*

*Chanchinpha gen un,  
Hukdamna man bei*

*Gilo kei di’n hehpihna mak ahi.*

chun Pathien lungnatna apat chun hukdam in um ngei hitiu (Rom 5:9).

6. JEHOVAH-ROHI: A umzie chuh “Lalpa chu ka Belampu or Belam china ei chingpa. Belampu chun a belamte chu zainem takin a enkawl in a kaihuoi sek hi. “Lalpa chuh ei chingpa ahi a, tasam hiel puong ka; Amah chun hampa hing nokiuhkeuh mun ah ei kuolsak sek a, chawlhna luipang achun ei pui sek hi (Sam 23:1,2).
7. JEHOVAH-SHALOM: A umzie chuh Lalpa chu ei uh a dinga thamuonna ahi tihna ahi. Krista’n Kross a kichamna a siem a chun Pa Pathien tawh kicham a um in, I lungthim u ah lungmuonna I nei tau hi. “Zie thu haw hi na kawm u a ka gen ahi. Kei mah a na um ziek u a lungmuonna na neih theihna dingun, khawvel ahin dahum na thuok sek ui. Himahleh, kipak tak in um un, ken khawvel ka zo tai,” a ti a (Joh. 16:33). Zieziekchun, taksanna zieka thiemchang I hih tak ziekun, I Lalpau Isu Krista vangin Pathien tawh kicham I hi tau hi. (Rom 5:1). “Melma I hihlai u a bawn A chapa tihna vanga Pathien tawh ana kichamsa I hih chun, kichama I um tak nung uhin, A hinna vangin hukdam in um ngei hitiu.” (Rom 5:10).
8. EL-ELYON: A umzie chuh A sangpen, A chungnungpen tihna ahi. Pathien chuh lauh um leh lopi ahi a, thilsiemte sanga dawpsan leh chawihsan ding ahi. “Aw Lalpa, lopinate, thilhihtheihnate, limbawlnate, guolzawhnate, lalnate nanga ahi a, lei leh vana um cheng cheng hi nanga ahi ngal a” (I Kh. 29:11). Thil bangkim hihthei, thuneihna sangpen nei ahi. Hitihin le gen leuhing, thuneihna sangpen leh a thienthona ziekin A ginumna achun, I kinga thei ui. Zie chun kitheng theilo (thenkit theihloh) thil nih aum ta a, zie thu achun le Pathien chuh a lepchieh ngei puoi. Khutichun, ei haw Amah a kibumbitna mute hin, I masang u a kinepna um chuh tuchak dingin, nasataka sukhat in I um tau hi. (Heb. 6:18).



ahi puoh a, Pathien dingin chuh bangakai hihtheih ahi” a ti a (Mat. 19:26).

3. ADONAI: Adonai umzie chu Hotu (Master) tihna, neitu, lal ahihna a gen hi. Gingtute hi Isu Krista thisan a tat, chawk ahiu. “Man a chawk na hui a, mihiem suok in um kiu un (I Kor. 7:23). “Na pulepateu hun pieksawn, na nunlekhan uh hawmngawn lak apat chuh, thil sie thei, dangka leh sanate haw a tat na hi puou a, Belamno melhemlo leh buokbeklo thisan guola Krista thisan lul a tat na hi zawu hi tih na he ngal ua” (I Pet. 1:18-19). Thuthun lui huna suok dinga a chawk hawu chuh Inkuon mi khata ngaih ahiu a, a hotu leh a neitu lungsietna leh venbitna nuoia um ahi.
4. JEHOVAH-JIRE: Lalpa’n ei u masang ding a mu a, ei uh lampi ding a guonggalh hi tihna ahi. Amah chuh thil bangkim he ahi. Pathien in kithawihna dinga belum a piek khan Abraham in Jehovah-Jire hi a mang hi. JEHOVAH-JIRE chun ei uh gitloh thawihna dingin A chapa ei guonsak hi, ei uh hinkhuo a patepna leh thepna haw cheng makhelh a lampi ei guonggalh sak ahi. “Tuma lama thil ana umsate kha hezing unla, kei hi Pathien ka hi a, kei tawbang hi kuomah a um puoi. Abul apat atawp tienga thil um dingte ka na genlawk a, tuma apat in thil hungtung dingte ka na genlawk tai, ka thil guonggalhte chuh lawhsam ngei puon tin, ka thilhih guotte le hih buting ngei ing ka, ka ti a (Isai 46:9-10).
5. JEHOVAH-TSIDKENU: Lalpa chuh ei uh Diktatana ahi tihna ahi. Ei uhi Jehovah-Tsidkenu thisan zala diktata siem I hui hi. “... Krista tawh pumkhata ei siem in, amah chuh ei u dingin Pathien apat chitna, diktatna, thienthona leh taddawkna dinga siem ahi. 9I Kor.1:30). “Amah a chuh mi diktat I hung hih theihna dingun, gitloh him him helo hiel chuh, Pathien in ei mau haw ziekin gilo in a siem ta ngal a” (I Kor. 5:21). “Khutichun, a thisana thiem chansak a I um tak nung uhin, amah vang

## BAPTISMA BANG TIHNA A?

-Pumkhomang Gangte

“Baptisma bang tihna ahim?” tih dawnna ding chuh I gen ma’n a umzie haw gen masa leng. Baptisma, bapto, baptein, baptizo tih haw hi Grik pau ahi a, a umzie leh a kaww (meaning) chuh kibang chiet ahi. Bang tihna ahim? Meaning tamtak a nei hi. Aleh dawnna haw chuh thuomphuo leh mihing lam pang a mat ahih tiengleh kawihchuom zo (defeat) tuoi hiem, tel, kitiem tihna ahi a. Anihna ding ah nek leh dawn lam panga I mat tiengleh vah, nekhawp, kham, tihna’n a mat theih zel hi. A thumna ding ah Tui (water) lampanga mat ahih tiengleh diehlut, sawtlut, thekhum, vatkhum, dimlet tihna’n le a kimang kit hi. A lina ding ah, umchan hung kitheng, a rawng hung zatchuom haw genna’n le a kimang hi.

Bangzieka Bible let (translator) te’n amau pau a, let lo a, baptis tih a a leh chiet uh ahim? tih aum kit hi. Zie chuh Baptisma, batizo tih haw chuh word, thumal khat chauh a lehdawk zieng theih ahi puo a, meaning tamtak nei ahih zieka baptisma tih a chuh a zik chiet uh ahi. Lehkhabu khat ka simkhakna a chun Grik pau a Bible N.T. hi English a a lehdawk lai uh hin baptisma tih hi translation committee chun a buoipih mah mah uh a, tui laka sawtlut (immense) tih a leh mai ding a tih uh leh Grik pau thiemte chun khuti chun baptis meaning a kawkdawk zo puoi tih in a buoi zel uh a, zie guola chuh thumal khat (a word) a lehdawk thei ding ahi puoi a tih ziek un, Baptisma tih mah a chuh tuni tieng ahih chieh pai ahi tih ka simkhakna aum hi. Zie chu dik ngei dinga ginchak aum na chuh pau chuom chuom ah Bible a um chiet a, baptisma I tih tieng zie mah a chuh chieh pai chiet ahi. Thumal (word) sawm vallam a mat theih chiet ahih ziek in. Zie thu chuh (definition) hilhchetna khat leh nih I vak piek nawp chuh:-

Marck 10:38-39 na I sim leh ka baptis chan ding chang thei unlau, ahin vang ka changlam leh vei lam..... kei thu ei puoi. Isu kamsuok I mu a zie a baptisma hin Jordan lui a tui a baptisma a chan ding khah a gen ei ta puoi tih a suchien hi.

Anihna ding ah- Rom 6:3-4 I sim chun a thihna a baptist a I um uh chun tih I mu kit a, zie haw hi le tui a kisawtlutna ahi puoi tih akimu kit hi. Zie haw hin Baptisma tih hi thumal khat mai a mat zieng theih ei puoi tih hi a suchien hi. Tui a sawtlut chuh le baptisma ahi tho hi. I tuppen chuh Baptisma hih thumal tamtak genna a mat theih ahi” tih I het behna ding ahi.

Zie thu hi PR Encyclopedia (Vol.III) a kila deuh ahi.

## NANG HUN SUOHCHAKSAK DING- BIBLE THUDIK

*-Rev. L. Sata,  
Chiengkongpang*

Zie hi a kalbi masapen ahi tih ana he leuhing. Zie thudik hi eimau a ding ahi tih a eimau ngei in I tel ding chuh ahi. Tuhin, Thagau Thiengtho in ei thutiem Lalpa'n ei hihsak ding gingcha'n malam zuon thei ta ding I hui hi.

Krista Hukdampa dinga pawm hi abulpi kipan chauh ahi. Thagau hinkhuo thak kipatna, Van a I pau tawh kizawpna thak, I Lalpau Isu tawh Thagau Thiengtho tawh kizawpna thak ahi. Thagau Thiengtho thilhihtheihna khan leh zil I ut a, Pathien mi hihna hinkhuo neih I ut chun, ei ua dinga hetchet ding khat aum a, 2 Kor.5:17 “Zieziekchun, kuole Krista a umte chuh thilsiem thak ahi ta a, thillui cheng chuh a mangthai ta a, ngaitiem u, thil cheng chuh athak ahung hi tai.”

Krista I neih nung ale angei a kilang, inkuon le kibang, nasepna, In leh lo leh dinmun kibang tho hih maksakna nei maithei na hi. Zie Bible chang in, “Thil cheng athak ahi tai” a tih hi bang kawkw leh gennuom ahi?

I thagau lam hinkhuou leh Pa, Pathien anga din thu ahin thil cheng cheng chu a thak ahung hi tai. I hetchet thiem theihna dingun abulning ah gen pan hitiu le.

Pathien thilhihthei leh lopi ang achun, I bawn uhin gilo a pieng (born sinner) I hui hi. Hitihin a kizik a, “Kuomah diktat him him a um puou, khatchale a um hiel puou: Kuomah Pathien hawl him him aum puou hi. <sup>12</sup> Amau lampi chiet ah a petmang u a, a bawn un panna bei ahung hi vek tau a, kuomah thilpha hih him him a um puou: Khatchale a um hiel puou hi (Rom 3:10-12).

HIMAHLEH PATHIEN CHU....

Ei uh mihing hihna ah Pathien hetchet or het mai hi baihlam lo hiel ahi. Abang chu hitaleh, Bible a Amah min dinga a mat haw'n ei uh ei panpih ding ahi.

PATHIEN MIN HAW CHUH:-

1. ELOHIM: Thilsiemtu lopi tihna ahi. Atung in Pathien in lei leh vante a siem a, chun, lei chuh guong bei leh ahawm mai ahi a, tui thuktak chung achun thimna a um a, Pathien thagau chun tui chung chuh a awp zing a (Gen.1:1,2). ELOHIM hi khat sanga tam (plural) ahi a, zie chun Pathien a thum ahi tih a sulang hi (God is a trinity).
2. ELSHADDAI: Zie hi buting, thilhihthei tihna ahi. Abraham, Isak leh Jakob kawma a kilakna min kha ahi. “Elshaddai Pathien chun hun vangsak intin, nam tamtakte pa na hung hih theihna dingin, suon le pak tamtak hun neihsak in, hun hihpung hen.” (Gen. 28:3). Elshaddai hi thilsiemte chung a vaihawma thilmak hih sek chu ahi. Chun, Isu'n amau haw chuh a en a, a kawm u ah, “Zie chuh mihiem dingin hihtheih